



*Thine is the power, the glory, the blessing, and the majesty, forever Amen.*

**لك القوة و المجد و البركة و العزة إلي الأبد آمين.**

## **Stimulus Checks**

### **شيكات التحفيز**

**ما هو مشروع قانون التحفيز Stimulus Bill؟**

نظراً للظروف التي بتمر بها البلاد من تفشي وباء فيروس الكورونا فالكونجرس و الرئيس الأمريكي وافقوا علي مشروع قانون مساعدات استثنائية تبلغ 2000 مليار دولار. هذا القانون له بنود عديدة تخص الأفراد و الشركات و أصحاب الأعمال و الهدف منه دفع عجلة الإقتصاد حتي لا يحدث كساد إقتصادي Depression و هو أسوأ بكثير من الركود الإقتصادي Recession و الذي سيكون له آثار وخيمة. ليس المجال الآن للتحدث عن الآثار الإقتصادية و لكن ربما مستقبلاً نتحدث في هذا الموضوع بالتفصيل.

**ما هي أهم بنود القانون؟**

القانون له بنود عديدة لكن من أهم البنود التي تخص الأفراد:

1. منحة إضافية \$600 إسبوعياً حتي 31 يوليو 2020 لكل من فقد عمله بسبب فيروس الكورونا و تكون بتحصل علي إعانة البطالة (Unemployment). مش محتاج تعمل حاجة إضافية.
2. منحة تحفيزية Stimulus Check بقيمة \$1200 لكل مواطن أمريكي بالغ Adult Citizen أو أي شخص بالغ مقيم إقامة دائمة معاه الجرين كارد Green Card Holder

**هل أنا من حقي و لا لأ؟**

هيكون من حقك لو توفرت فيك الشروط الآتية:

1. مواطن أمريكي أو مقيم دائم (جرين كارد)
2. شخص بالغ فوق ال 18 سنة
3. قدمت إقرار ضريبي عن سنة 2018 أو 2019
4. ألا يزيد دخلك السنوي عن \$99,000 (للعازب) أو \$198,000 (للمتزوجون)

## شيكات التحفيز \$1200 هتيجي امتي؟

الشيكات هيبدأ توزيعها يوم 24 أبريل و حسب جدول محدد بدءاً بالأفراد الأقل دخلاً طبقاً لآخر إقرار ضريبي:

دافعي الضرائب و ذوي دخل سنوي لا يتعدي \$10,000 : 24 أبريل  
دافعي الضرائب و ذوي دخل سنوي لا يتعدي \$20,000 : 1 مايو  
دافعي الضرائب و ذوي دخل سنوي لا يتعدي \$30,000 : 7 مايو  
دافعي الضرائب و ذوي دخل سنوي لا يتعدي \$40,000 : 15 مايو  
و هكذا سيتم توزيع الشيكات أسبوعياً طبقاً للدخل تصاعدياً . الأسرة صاحبة الدخل \$198,000 سيصلها الشيك يوم 4 سبتمبر.

## لو أنا ماعنديش إقرار ضريبي؟

الذي ليس لديه إقرار ضريبي في 2019 أو 2018 هيقدم طلب خاص، و المجموعة دي ستصلها الشيكات يوم 11 سبتمبر. إلي الآن مافيش معلومات واضحة عن طريقة التقديم.

## أنا ماعنديش إقرار ضريبي في 2019 بس عندي 2020 هل هيجيلي فلوس؟

أنت بتقدم ضرائبك عن العام السابق. الإقرار الضريبي اللي انت لسه عامله في 2020 ده خاص بـضرائب 2019 و بتقدمه عن شغلك في 2019. فمافيش حاجة إسمها ضراب 2020، دي لسه أنت هتقدمها السنة اللي جاية عن شغلك في السنة اللي قبلها.

## الفلوس هتوصلني إزاي؟

الفلوس هتوصلك عن احدي هذه الطريقتين:

1. الفلوس هتنزل في حسابك في البنك بنفس الطريقة اللي استلمت بيها فلوس الضرائب السنوية و حسب الجدول الموضح أعلاه. (أسرع من البريد العادي لان الفلوس هتظهر في حسابك في نفس اليوم أو ثاني يوم بالكثير)
2. الفلوس هتتبعلك بشيك علي عنوان بيتك عن طريق مصلحة البريد. (الطريقة دي هتكون أبطأ من الإيداع البنكي)

## مصلحة الخزانة هتعرف بياناتي من فين؟ و هل عندهم عنواني و بيانات البنك بتاعي؟

مصلحة الخزانة هتعرف من مصلحة الضرائب عن طريق آخر إقرار ضريبي أنت قدمته. (إسمك، عنوانك، دخلك و دخل أسرتك و بيانات البنك بتاعك)

## حساب البنك أنا قفلته و دلوقت مصلحة الضرائب ماعندهاش بيانات البنك بتاعي؟

مصلحة الخزانة هتبعتك الشيك علي عنوان بيتك أو لو عايز الفلوس تنزل في حسابك في البنك هيكون فيه موقع إلكتروني لاحقاً علشان تدخل بياناتك البنكية لتسريع إستلام الشيكات.

**و أنا بعمل الإقرار الضريبي ما إخترتش الإيداع البنكي المباشر و بعثولي شيك؟**  
هيكون فيه موقع إلكتروني لاحقاً علشان تدخل بياناتك البنكية لتسريع إستلام الشيكات.

**ايه الويب سايت علشان اقدم؟**

حالياً و حتي كتابة هذه السطور السبت 4 ابريل مافيش موقع إنترنت، لكن لاحقاً ممكن تدخل علي موقع IRS.GOV لانهم هيعلنوا لاحقاً عن موقع هدفه انك تدخل بياناتك البنكية.

**أنا ماليش في الإنترنت و مش هاعرف أدخل علي الموقع ده؟ أنا ما عنديش حساب في البنك؟ أنا مش حابب أني أديهم بيانات البنك بتاعي، أعمل ايه؟**  
مش محتاج تعمل حاجة، الفلوس هتوصلك بشيك علي عنوان بيتك عن طريق البريد العادي.

**طب و بالنسبة للي بيأخذوا ضمان إجتماعي (معاش) هل من حقهم؟**  
هيكون من حقهم و هيوصلهم شيك.

**طب و بالنسبة للي عمل ضرائب عن طريق 1099؟**  
برضه هيكون من حقه و هيوصلهم الشيك.

**هل الفلوس ديه متكررة؟**  
لأ الفلوس ديه مرة واحدة.

**هل فيه شرائح و لا كله هياخذ نفس المبلغ؟**

فيه شرائح و هتكون كالتالي:

❖ الشخص الأعزب و دخله السنوي لا يزيد عن \$75,000 سيحصل علي \$1200 كاملة ثم

سيتناقص هذا المبلغ بمعدل \$5 لكل \$100 فيما يزيد عن ال \$75,000

❖ الأسرة التي دخلها السنوي لا يزيد عن \$150,000 ستحصل علي \$2400 كاملة (\$1200

للزوج و \$1200 للزوجة) ثم سيتناقص هذا المبلغ بمعدل \$5 لكل \$100 فيما يزيد عن

\$150,000

مثال:

الشخص الأعزب الذي دخله \$75,100 سيحصل علي \$1195

الشخص الأعزب الذي دخله \$75,200 سيحصل علي \$1190

الشخص الأعزب الذي دخله \$75,300 سيحصل علي \$1185  
و هكذا سيتناقص المبلغ تدريجياً بمعدل \$5 لكل \$100 زيادة عن الحد المسموح و بالمثل  
للأسرة.

الأسرة التي دخلها \$150,100 ستحصل علي \$2395  
الأسرة التي دخلها \$150,200 ستحصل علي \$2390

**سمعنا أن الأطفال هيجي لأسرهم فلوس؟**

مضبوط هيجيك \$500 عن كل طفل (تحت سن 17 سنة).

**طب ابني أو بنتي أكبر من 18 سنة هيجيلهم فلوس؟**

لو بيشتغل و قدم ضرائب عن نفسه هيجيلوا \$1200 باسمه.

**أنا أولادي أكبر من 18 سنة و مش بيشتغلوا، بس هما متضافين علي الضرائب**

**بتاعتي؟**

لو ابنك أو بنتك متضافين علي الضرائب بتاعتك و مش بيشتغلوا للأسف مش هيكون من حقهم ، مش  
هيجيك الـ \$500 عن كل طفل.

**مين اللي مش هياخذ الشيك ده؟ XXX**

1. أي شخص أعزب دخله السنوي زيادة عن \$99,000 طبقاً للإقرار الضريبي.

2. أي أسرة دخلها السنوي زيادة عن \$198,000 طبقاً للإقرار الضريبي.

3. أي شخص ليس لديه سوشيال سيكورتى

4. أي شخص أجنبي غير مقيم و ليس لديه إقامة دائمة (جرين كارد)

**أنا شغلي كان كله كاش و ماقدمتش عليه أي إقرار ضريبي؟**

الشيكات هتكون علي أساس الإقرارات الضريبية، فبالتالي مش هيكون ليك حاجة.

**أنا لسه جاي مابقليش كام شهر و مالحقتش أشتغل و لسه ماجاليش السوشيال ولا**

**الجرين كارد؟**

مش هيجيك حاجة دلوقت لأنك ببساطة ماشتغلتش في 2019 و بالتالي ماقدمتش ضرائب، لكن لما

يجيك الجرين كارد و تشتغل في 2020 و تقدم إقرارك الضريبي السنة اللي جاية عن 2020 من

حقك تطالب بشيك التحفيز طبقاً لنفس الشروط اللي شرحناها فوق. (الدخل لا يزيد عن \$75,000

للأعزب و لا يزيد عن \$150,000 للأسرة)

هل المفروض نذفع الفلوس ديه لما الأمور تتحسن؟  
لأ، مش هتدفع حاجة حتي لما الأمور تتحسن

فيه ناس قالوا انه الفلوس ديه إعفاء ضريبي Refundable Credit يرد إلي دافعي  
الضرائب عن ضرائب 2020؟

فعلاً ده كلام مضبوط. و ده معناه إنك أخذت الفلوس مقدماً عن ضرائب 2020 اللي هتقدمها  
السنة اللي جاية . بأختصار الحكومة سرعت بآنك تحصل علي الشيك ده السنة دي دون  
الإنتظار للعام القادم لحد ماتقدم إقرارك الضريبي العام القادم.  
و ده مش هياثر و لا هيقلل من الفلوس اللي هترجع لك لما تقدم إقرارك الضريبي عن 2020.  
إعتبرها منحة لا ترد. لو لأي سبب ماخدتهاش السنة دي، إتناقش مع المحاسب بتاعك و  
هتأخذها مع ضرائب السنة اللي جاية.

[smandsm.org](http://smandsm.org)

[smanbaabraam@gmail.com](mailto:smanbaabraam@gmail.com)

(973) 988 - 3640

